

Symma Juris Canonici

Comprehensa Tribus Partibus In Qva Distincte Et Succincte Explicantur,
quæ ad personas, negotia, & iudicia Ecclesiastica ex Canonum præscripto,
pertinent

Sive Antinomia Iuris Pontificii Et Cæsarei - per CCL. Differentias plurium
Doctorum auctoritate probatas, singulari studio in certas classes reducta,
discussa, & explicata

Strein, Johann

Coloniæ Agrippinæ, 1658

VI. Differentia 6. In omni rescripto Papæ subintelligitur clausula, si preces
veritate mitantur,

[urn:nbn:de:hbz:466:1-61864](https://nbn-resolving.de/urn:nbn:de:hbz:466:1-61864)

remotiora loca venire coacti præter familiæ neglectam administrationem expensis parum necessariis gravarentur. Hoc in nulla Imperiali lege reperitur

cautum juxta propositam à Ioann. Bapt. à S. Blasio Differentiam, v. Barbos. in. 114. tutum de Rescript. in 6.

VI.

DIFFERENTIA 6.

In omni rescripto Papæ subintelligitur clausula, si preces veritate nitantur, c. 2. de Rescript. Iure civili autem exprimenda est, l. Universa rescripta, C. de divers. rescript. Ioann. Bapt. à S. Blasio n. 2. Decian. l. 2. c. 21. n. 25.

TAmetsi vulgò jaætetur longas regum, ac principum manus esse, quia ministrorum & syndicorum numero abundant quidlibet deferentium, sæpenumero tamen circumvenit, ac deludi fraudibus compertum est, dum ingenitâ sibi simplicitate, candore que animi, aliorum ingenia æstimant, vici que importunitate postulantium, quæ minimè vellent, annunt, c. fin. de rescr. in 6. c. 1. de relig. dam. Quamobrem cautela reperta est, & utriusque Juri quamvis diversimodè interta, Principum rescripta sic demum valitura, si preces veritate nitantur. Hinc editum illud legis citatae, universa rescripta sive in personam precantium, sive ad quemlibet Judicem manaverint, quæ vel annotatio, vel quævis pragmatica sanctio nominetur, sub ea conditione proferri præcipimus, si preces veritate nitantur. Nec aliquem fructum precator oraculi percipiat imperati, licet in judicio asserret veritatem, nisi quæstio fidei precaria imperiali beneficio monstretur intenta. Additur pena transgressoribus, ut quætor, & ministri scribitorum, qui sine

præfata adjectione qualecumque refutum dicterent, & Judices, qui supererint, reprehensionem subeant; qui vero illieæ dictata scribere ausi fuerint, cuiuscunque scribentia memoriales, tenaciamaticarii, vel adjutores primicerii missione cinguli feriantur. His consonant Præterius in Onomastico, Rescriptorum omnium, civilium & pontificiorum prima, communisque lex est, si preces veritate nitantur. Quæ conditio, est non adiiciatur, subaudiri tamen jubet Pontifex in c. 2. de rescr. Sed & adiiciendam eam, alioqui rescriptum rejiciendum. Zeno Imperator constituit, l. fin. C. de divers. rescr. Quid enim indignius, & nocens, quam cupidorum & fallacium hominum postulationibus annoendo innocentium jura laedere, pacem turbare, negotia confundere, rotumque Reip. statum penubare? Furcam, non gratiam fraudesmetentur, & falsis hominibus vera supplicia debentur, v. Andr. Gall. l. 1. ob serv. 14. Barbos. Tratt. de claus. n. 166. Comitol. 1. q. 104. Vallen. l. 1. tit. 3. §. 2.

VII. DIS.